

مُتَابَعَاتُ الْقُرْبَانِ

دائرة مخصوصه

در سعادتده باب عالی جوارانده

محل اداره :

اخطار :

مسلكمزه موافق آثار جديده مع المنونيه
قبول اولنور

درج ايدهن آثار اعاده اولنور

دينه، فلسفه، علوم، حقوق، ادبياتده و سياسياتده و باظاهركرك سياسى و كرك اجتماعى و مدنى احوال و مشوره اسلاميه و نه بحث ايدر و هفته ده بر نشر اولنور.

آبونه بدلى

سنه لكى

التى آيلنى

ممالك عثمانيه ايجون	٦٥	٣٥	غروش
روسيه	٦٥٥	٣٥٥	روبله
سائر ممالك اجنبيه	١٧	٩	فرانك

صاحب و مؤسلىرى :

ابوالعلا زين العابدين - ح . اشرف اديب

تاريخ تأسيسى

١٠ تموز ٣٢٤

در سعادتده نسخه سى ٥٥ پاره در

قبرله دن مقوا بورو ايله كوندريلىر سه سنوى

٢٠ غروش فضله آلنير

عدد : ٩٦

٢٧ جمادى الاخر ٣٢٨ پنجشنبه ٢٤ حزيران ٣٢٦

در دنجى جلد

بخارا

۳۱ مایس ۳۲۶

بخارانك احوالی كوندن كونه وخامت كسب ایتمكده در . تهلكه بیوكدر . وثوقه اعتماد ایتدیكم معلومات آتیہ بی عرض ایله یورم :

افغانستان حكومتی بر آی اول (طاشكند) والیسنه كوندردیكى بر تخریر آنده حدود مسئله سنده روسیه وبخارا حكومتلرندن هانكیسنك علاقهدار اولدیغنی ، تعیر آخرله هانكیسنك كندیسیله قومشو بولندیغنی صورمش ، والیده پترسبورغدن استیضاح کیفیتدن سوكره جواب ویره جگنی بیلدرمشدر . غایت بسیط كورونن بو مخبارات اوزرینه روسیه حكومتك بخارا ایچون اوتهدن بری بسلیدیكى الحاق فكریغنی تقویه ایتمش اولدیغنی بعض دلائل و امارات ایله استدلال اولنقده در . بوفكرلك اجراسی ده قوه قریبه یه كلیور . فقط بخارا اهالیسندن امین اولدیغنی جهتله بخارا ایله مواقع مهمه سنی بش بیک مقدارنده بر قوه عسكریه ایله - ۱ اغستوس ۱۹۱۰ - اشغال ایده جكدر . تحدید حدود مسئله سنه كانجه كندیسی طوغریدن طوغری یه حكومت افغانیه ایله مذاكرانه كیریشه جكدر .

بخارا اهالیسنك شمیدین كوستردیكى آثار هیجانہ نظراً بووقایه قارشولاقید بولمیلورلر . زوالی بخارالیلر شمیدی یه قدر نیجه اضطرار اباته تحمل ایتدیلر . روسلك قیداسارتنه كیرمه مك ایچون چالیشدیلر . شمیدی ایسه حالك جریانندن جمله سی ده متأسلم . هسی وطن ایچون ، دین ایچون اشكریز ! . اهالینك بو هیجانی بك طبیعیدر . چونكه اساساً بخارا حكومتی ، روسیه حكومتیله تعاطی ایلدیكى معاهده نامه موجبنجه امور داخلیه سنده مستقلمدی . فقط بو استقلال محافظه اولنمیدی ، روسیه حكومتنه امور داخلیه به برحق مداخله ویرلدی ، كه بوندن نه بخارا اهالیسنك ، نه اعیانك ، نه ده علمانك خبری ، رضاسی یوقدی . شمیدی بش میایون اهل اسلامك - چونكه جغرافیا كتابلرینك قید ایتدیكى ایكى ، ایكى بچق میایون مقداری حقیقه مخالفدر ، - بویله مظلومانه وسسزجه حریتی غائب ایتسی وطعمه احتراض اولسی روامیدر ؟ بو معامله هیچ برحقه ، هیچ بر عهده ده مستند دكدر ! نصل اولورده زوالی بخارالیلر کیف ایچون كوز كوره قربان ایدیلر ! بومك توبم فلان ویا فلان غزته یه مخصوص دكل ، بتون مطبوعات عثمانیه واسلامیه یه عأددر . انسانیت نامه رجا ایدرز ، حقوقزی مدافعه ایتسونلر !

یالكیز مطبوعات عثمانیه دكل ، - اكر حقوق دول ، حقوق بین الملل سوزلری برر قول مجرددن عبارت دكلسه - اوروپا مطبوعاتی ده بومدافعه یه اشتراك ایتایدر .

عبدالله

صراط مستقیم

ان الله لا یغیر ما بقوم حتی یغیروا ما بانفسهم .



ایران

طهران - تبریز اهالیسی روسلك طرز حرکتندن طولایی دول معظمه سفراسی نزدنده شكایتده بولمشلردر . اهالی بی الك زیاده اغضاب ایدن شی روس عسکرینك علمایه ، قادینلره حرمتسزلك كوسترملری در ،



وردانینك اعدای

باش وکیل متوفی بطرس عالی پاشانك قاتلی ابراهیم وردانی بوكون ضبطیه حبسخانه سنده صلباً اعدام اولمشلدر . وردانی مأمورین عأده سی حضورنده دار آغاجنه چیقاریلوب بوینه ایپ طاقدقدن سوكره حكم اعدام قرائت ایدلش ووردانی كمال سکونته كلیه شهادت كتیروب « حریت واستقلال آیات آلهیه دندر . » دیدكدن سوكره اوزرینه باصمقده بولندیغنی تحته بریای معرفتیه آچیلهرق معاق قالمشدر .

اعدامك اجراسنی متعاقب وردانی غسل وتكفین ایدیلهرق قوه كافی عسكریه ایله عائله سی مقبره سنه اعزام و بوراده حاضر بولسان والده سیله همشیره وعمجه سنك یدینه تسلیم قلمشدر . جنازه نك دفنه قدر نقله مأمور عسکر محافظ صقتیله اوراده قالمشدر .

غزته لر عمومیتله بو حادثه دن بك خفیف صورتده بحث ایتمشدر . یكى مطبوعات قانوننك تصدیقی جهتله غزته لر اختیار سكوتی موافق بولمشلردر . « قاهره »



شهید سمید ابراهیم وردانی

روضه نامه

عالم اسلامك اعلاى شان و شرفی ومهم برقطعه اسلامیه نك اجانبك ولای غیر مشرزعندن تطهیر و تخلیصی یولنده بذل حیاتی بك مبرور بروظیفه حمیت و ملیت تلقی ایدن شهیدای سعداى اسلامه بو هفته ایچنده بیوك بر قهرمان دها التحاق ایتمشدر كه بوشهید سعید ؛ محترم وردانیدر . تاریخ اسلامه بارلاق بر جهد وغیرت صحیفه سی علاوه ایدن ، معشر اسلامك هیچ بر زمان اسارته قاتلانمه یه جغنی ایثار حیات صورتیله منكرلره قارشى اثبات ایتك ایستین ابراهیم وردانی نامی شبهه یوق كه امت مرحومه سلیمان چلبی نامی كی تعزیر و تجیل ایده جكدر .

برعصر اول ینه ابراهیم وردانی نك متفس بولندیغنی بر محیطده ، او فرتوت اعصار وقرون اولان مصر قاهرده فرانسز استیلاسیله نالان افنده اسلام ایچون ؛ فئه غاصبه نك مدبر مصالحی بولنان جنران (قلابر) مواجهه حواله ایلدیكى تیغ شهامتیه وطننك ، ملتیک باعمال ایدیلان حقو فنك حساسی صوران شهید محترم سلیمان افانك فدا كارلنی نصل رشحه پاش تسلیمت اولش ایسه بر عصر صكره كذا بغیر حق وقوع بولان براشغال غاصبانیه ای دامه ایده جك تداییری حمایه ایدن